

URNOS TI PANAGDAYDAYAW

INTRODUCTORY NOTES: *“Palm Sunday is a celebration – a celebration that affirms God’s breaking into the human community, in fact, all creation. Such affirmation calls for a remembrance (re-living) of God’s faithfulness and a commitment to translate into a life-style or posture the demands of what God brings into the human community. Reversal and turning-over (in other words, transformation and conversion) of values/institutions/structures lie at the heart of God’s scorning. This is the reason for the affirmation: “Praise God! Blessed is He who comes in the name of the Lord “. This is indeed the reason for the peoples’ celebration.*

Rev. Benito M. Dominguez

PANAGSAGANA: *(Agpasango dagiti agakem)*

INTROIT: *“Seek Ye First the Kingdom of God”*

+AYAB TI PANAGDAYAW:

Agpangulo: Agrag-okayo! Agdir-ikay’ ti ragsak, tattao ti Jerusalem! Umay kadakayo ti Ariyo! Umay a sibaballigi ngem napakumbaba; umay a nakasakay iti asno, iti urbon ti asno.

Gimong: UMay TI APO TAPNO PAGKAKAPIAENNA DAGITI NASYON;

Agpangulo: Adtoy ti Apo, isu ti rumbeng a pagtal’kantayo.

Gimong: TA ISU TI PAKAISALAKANAN!

Agpangulo: Hossanna! Madaydayaw ti Anak ni David! Bendisyonan koma ti Dios ti umay iti nagan ti Apo! Hosanna iti kangatoan

Gimong: *(makanta a sungbat)* Sing, hosanna, Sing hosanna
Sing, hosanna to the King of kings!
Sing, hosanna, sing hosanna
Sing, hosanna to the King!

+PANGLUKAT A KARARAG:

HIMNO A PAGDAYAW: No. 123. APU KUKUANAK

1. Apo, kukuanak, timekmot’ denggek Ayatmo ti surotek
Ngem umad-adda komat’ pammatik. A Kenka mayasideg.
Koro: Yasidegnak kadi O Apo, lti denna ti kruzmo,
Yasidegnak, Yasidegak kad’ Apo, Arpad dayta bakrangmo.
2. Alaennak nga agserbi Kenka, O Apo a namarsua;
Ti kararwak koma mangnamnama, Kayatmo matungpalna.
3. Naragsakak ti inoran-oras No ti sangom addaak
Agparintumengak nga agdawat, Kenka makikaysaak.

AYAB TI PANAGBABAWI KEN PANAGPAKAWAN

Agpangulo: Ni Jesus kinunana kadagiti disipolosna, “Saan nga amin kadakayo ket nadalus.” Ita a kanito ti panangamiris tunggal maysa ti bagbagina tapno mabigbigtayoy ken makipagpasettayoy ti misyon ni Kristo. Ipadnotayoy ngarud dagiti banbannag a tubeng ti intay panagbalin a mapagtalkan ken adipenna.

(kanito a panagulimek iti bukod a panagkararag)

KARARAG PANAGPAKAWAN: *(Amin tayo)*

“Awan O Apo ti mailingedmi kenka, ket ti basolmi aduda. Dumawatkam’ ti pammakawanmo ket iyetnagmo kadi ti kaasi ken parabur. Nagliway kami iti panangsurot ti pagayatam. Nagkurang kami ti panagayat iti padami a tao ken ti aglawlawmi. Nagtalinaedkami kadagiti bukodmi a pagayatan. O Apo, ruk-atannakam’ kadi manipud kadagiti nakaibaludanmi. Sumbrekka iti biagmi, ket ikkannakam’ ti kappia. Gapu ken Cristo nga Apomi.” Amen.

PAMMATALGED TI PAMMAKAWAN:

Pastor: Ti Dios insaganana ti kopa iti pannakaisalakan ken tinapay ti langit. Napateg tayo iti imatang ti Dios. Ken Kristo, naayat tayo para ti baro a katulagan iti Dios ken ti maysa ken maysa. Naawat, naayat ken napakawan tayo. Ket gapu iti daytoy a pammakawan, agbiagtayo iti nainkappia-an. Sapay kuma ta kasta. Amen

KABLAAW/DAMDAMAG PAKASEKNAN TI GIMONG:

KARARAG PASTORAL:

PASTOR

Sungbat: *“Denggem o Apo, denggem dawatmi, ipangagmo kadi, ar-ararawmi..*

+GLORIA PATRI: *“Gloria koma ti Ama, ken Anak, ken Espirito Santo....*

+PANNAKAIBASA ITI NASANTOAN A SURAT:

Sungbat: *“Ti saom, silaw dagitoy sakak, ken raniag ti pagnaak” (2X) Amen*

MENSAHE TI KANTA:

MENSAHE TI BIAG:

AWIS TI PANANGIDATON TI BIAG KEN PAGYAMAN: **Deut. 8:1-3**

Agpangulo: “Tungpalenyo a sipapasnek ti amin a bilinko kadakayo ita nga aldaw tapno umatiddog ti biagyo, umadukayo ken sakupenyo ti daga nga inkari ti Apo kadagidi kapuonanyo. Lagipenyo ti panangidalan ti Apo a Diosyo kadakayo iti nabayag a panagdaliasatyo iti let-ang iti uneg ti 40 a tawen. Sinuotnakayo tapno maammoanna no ania ti adda iti pusoyo ken no tungpalenyo dagiti bilinna. Pinagbisinnakayo, sanakayo met la inikkan iti mana, maysa a taraon a diyo pay naramramanan uray dagidi kapuonanyo. Inaramidna daytoy tapno masursuroyo a saan la a tinapay ti pagbiag ti tao no di pay ket dagiti amin a sao ti Dios. *(Panangidaton kadagiti sagsagut ken pagyaman)*

Himno ti Panangidaton: No. 135. AMIN JESUS IDATONKO

1. Amin, Jesus, idatonko Pusok ken daytoy met biag,
Inaldaw sikat’ surotek Maymaysa a pagtalkak.
Koro: Awatem, Jesus, awatem amin, Toy biagko innak idaton
Wen, itdek amin.
2. Amin, Jesus, idatonko Kenka, ket awatennak,

Espiritum ipariknam Ti kaaddana kaniak.
3. Amin, Jesus, idatonko, Yawatko daytoy puso,
Punnoennak iti ayatmo Ken bendision nga adu.

+DOKSOLOHIYA/KARARAG A PAGYAMAN:

Sungbat: "Daytoy sagut nga iyegmi o Apo, nagtaudda amin kenka".. Amen.

HIMNO A PAMMAKIRED: No. 209 NI JESUS TI INTAY KAPTAN

1. Ni Jesus ti intay kaptan, ta isu laeng ti kamang;
Uray aniat' mapasamak, Kenkuana talnat' masarak.
Coro: Ni Jesus ti kaptan no adda peggad
Adda peggad, adda peggad;
Ni Jesus ti kaptan, no adda peggad
Aniaman a mapasamak.
2. Isut' linongtay no aldaw, datay ti inna salingdan;
No rabiit' mapagtengtay, datay ti inna bantayan.
3. No ti bagyo umasideg, Kenkuana intay kumapet;
Isut' sarkedtay' ken talged, aniaman a mapasangpet.

+PANGSERRA a KARARAG ken PAMENDISION:

Sungbat: 4. O, Jesus, Dios a nadungngo, sika ti talekmi, Apo
Iti peggad a masango, dakam kad iti yespalmo.

Pastor

Amen!

=DEPART TO SERVE=



Welcome to the Worship of God

In the fellowship of the

**UNITED CHURCH OF CHRIST IN THE PHILIPPINES
NORTH LUZON JURISDICTION**

March 28, 2021

PALM SUNDAY



=ENTER TO WORSHIP=